

8

T2251/1444

THE CHINESE-JAPANESE LIBRARY  
OF THE HARVARD-YENCHING INSTITUTE  
AT HARVARD UNIVERSITY  
MAY 13 1959

奇姓通卷十三

複姓

公罔之裘

謝丘章

大狐容

顓孫師

公輸般

北郭騷

考成子

新垣衍

公西華

莫者幼春

卜梁倚

石作蜀

哈佛大學漢和  
圖書館珍藏印

馬

音如通 卷十三目  
公冉務人

沈猶行

季駟息

子車鍼虎

公夏首

封具狐父

古冶子

公羊高

澹臺滅明

中叔無忌

苑羊牧之

宗正辨

商丘子晉

慶父藉

公叔文子

駁馬少伯

西鉏吾

友通期

侯罔頡

大心子成

尹文子

完顏仲德

冠軍夷

梁丘賀

申章昌

烏氏羸

子師將

耶律希亮

將匠道李

第五居仁

成公簡

公齊定

僕散翰文

瓜田儀

屈突蓋

臧馬矢

勾龍庭實

青史子

南榮越

苞丘先生

息夫躬

函冶子覺

合傅胡害

茅夷鴻

慎潰氏

葵丘欣

公若藐

慕輿拔虎

工師喜

子州支父

昭涉掉尾

大羅洪

樛里子

褐冠子

司鐸射

胥梁帶

子儀克

子獻遠

龐欄氏

運奄氏

靡父樂陽

穿封戌

士思癸

復陸支

老萊子

笄侯儒

沈尹戌

栢常騫

梗陽巫皋

鐸遏寇

富父終甥

介山子然

南郭偃

北人無擇

長盧氏

成陽恢生

叔先泥和

仇尼倪

錫疇子斯

羊舌赤

延明子高

紅陽長仲

苦成叔

小王桃甲

子儀克

三

子儀克

百〇四

季尹然

少師彊

都尉朝

徒人費

祝其承先

樂王茂

南門壻

先賢揮

長魚矯

素和跋

西河子輿

大野拔

司士賁

阿跌光進

重譚氏

門尹班

鉗耳知命

浩星賜

大戊午

閻葵班

伊祈玄解

母鹽益

華陽通

盆成括

鮮陽戩

赫連達

賀若弼

壽西長

申屠嘉

擾龍宗

尹午子叔

雍門狄

左師明

覩斯贊

子叔聲伯

奇姓通卷十三

複姓

江陰夏樹芳茂卿輯

華亭陳繼儒仲醇校

公罔之表

家語。孔子與門人習射於矍相之圃。蓋觀者如堵牆焉。射至於司馬。使子路執弓矢出列。延射者曰。奔軍之將。亾國之大夫。與



爲人後者不得入其餘皆入蓋去者半又使公罔之表揚觶而語曰幼壯孝弟耆老好禮不從流俗修身以俟死者在此位蓋去者半又使序點揚觶而語曰好學不倦好禮不變耄期稱道而不亂者在此位蓋僅有存焉射既闋子路進曰由與二三子者之爲司馬何如孔子曰能用命矣

### 謝丘章

魯人漢書古今人表有謝丘章謝丘見盟會圖皆幽王封

### 大狐容

晉大夫姬姓晉大狐伯生突突生饒遂號爲大狐氏

### 顓孫師

家語。顓孫師。字子張。陳人。子貢曰。美功不  
伐。貴位不喜。不侮不佚。不傲無告。是顓孫  
師之行也。呂氏春秋。謂子張鄙家也。學於  
孔子。爲天下名士。顯人以終其壽。師道固  
不足重也。與哉。又有顓孫子英。見說苑。

### 公輸般

又名班。魯之巧人也。爲母作木人爲御。機

關一發。其車遂行。又爲木鳶。令之自飛。又  
作雲梯以攻宋。

### 北郭騷

呂覽。齊有北郭騷者。結采罔。捆蒲葦。織屨  
履以養母。猶不足。踵門見晏子。曰。願乞所  
以養母。晏子之僕謂晏子曰。此齊國之賢  
者也。其義不臣乎天子。不友乎諸侯。今乞

所以養母。是悅夫子之義也。晏子使人分倉粟。出府金而遺之。辭金而受粟。有間。晏子見疑於齊君。出奔。過北郭騷之門而辭。北郭騷沐浴而出。見晏子曰。夫子將焉適。晏子曰。見疑於齊君。將出奔。北郭子曰。夫子勉之矣。晏子登車太息而歎曰。嬰之亡。豈不宜哉。亦不知士甚矣。晏子行。北郭子

召其友而告之曰。吾聞之。養及其親者。身伉其難。今晏子見疑。吾將以身歿白之。着衣冠。令其友操劍奉笥而從。造於君庭曰。晏子。天下之賢者也。去則齊國必侵矣。必見國之侵也。不若身歿。請以頭托白晏子也。因謂其友曰。盛吾頭於笥中。奉以托退。而自刎也。其友因奉以托。謂觀者曰。北郭

奇如通 卷三  
騷爲國故歿。吾將爲北郭騷歿也。又退而自刎。齊君聞之大駭。乘驛而自追晏子。及之國郊。請而反之。晏子不得已而反。聞北郭騷之以歿白已也。

### 考成子

周人幼學於尹先生。見列子。

### 新垣衍

史記新垣衍。魏客將軍。與魯仲連言。帝秦知仲連爲天下士。又漢文帝時有新垣平。

### 公西華

家語公西赤。字子華。魯人。子貢曰。齊莊而能肅。志通而好禮。擯相兩君之事。篤雅有節。是公西赤之行也。至觀其養親。則若與朋友處。然恩勝禮也。又公西箴。公西輿。亦

孔子弟子。

莫者幼春

周時爲西安太守。

卜梁倚

莊子。卜梁倚有聖人之才而無聖人之道。女偶有聖人之道而無聖人之才。其爲物無不將也。無不迎也。無不毀也。無不成也。

其名爲櫻寧。

石作蜀

仲尼弟子。氏族畧有石作氏。

公冉務人

左傳。仲殺惡及視而立宣公。書曰子卒。諱之也。仲以君命召惠伯。其宰公冉務人止之。曰。入必死。叔仲曰。死君命可也。公冉務

奇效通 卷十三  
人曰。若君命可。死。非君命。何聽。弗聽。乃入。殺而埋之。馬矢之中。公冉務人。奉其帑。以奔蔡。既而復叔仲氏。不絕其後也。

### 沈猶行

姓苑云。沈猶行。太山人。見孟子。漢劉穢爲沈猶侯。地在千乘。

### 季駟息

晉朝邑大夫。周八士季駟之後。

### 子車鍼虎

國風。子車奄息。子車仲行。子車鍼虎。三人皆子車氏之子。秦之良也。穆公卒。以三良殉葬。國人賦黃鳥以哀之。左氏曰。秦穆公之不爲盟主也。宜哉。死而棄民。先王違世。猶貽之法。而况奪之善人乎。今縱無法以

奇如通 卷十三  
遺後嗣而又收其良以歿難以上矣君子是以知秦之不復東征也

### 公夏首

字子乘魯人唐贈元父伯宋封鉅平侯

### 封具狐父

鄭大夫見姓譜

### 古冶子

劍俠傳齊景公渡河鼃銜左驂沒之大眾皆惕古冶子於是拔劍從之邪行五里逆行三里至於砥柱之下乃鼃也左手持鼃頭右手挾左驂燕躍鵠湧而出仰天大呼水爲逆流三百步

### 公羊高

子夏弟子著春秋又公羊賈鑿巾以飲

澹臺滅明

魯人澹臺子羽齎千金文璧渡河。陽侯波起。兩蛟夾舟。子羽曰。吾可以義求。不可以威劫。操劍斬蛟。須臾波息。乃投璧於河。璧輒躍出。因毀其壁而返。

中叔無忌

晉人。又漢有中叔僚。光武時御史。

苑羊牧之

左傳。齊北郭啓帥師伐莒。莒子將戰。苑羊牧之諫曰。齊帥賤。其求不多。不如下之。大國不可怒也。弗聽。敗齊師于壽餘。齊侯伐莒。

宗正辨

濟陰人。唐殿中少監。



奇女通 卷十三  
九  
商丘子晉

列仙傳。商丘子晉好吹笙。牧豕。孫興公贊曰。商丘卓犖。執策吹竽。渴飲寒泉。饑食菖蒲。所牧何物。殆非真猪。儻遇風雲。爲我龍攄。

慶父藉

楚王工正。世本。楚大夫慶父之後。

公叔文子

左傳。公叔文子。名發。衛大夫。季札過衛。見文子。悅之。曰。何衛國之多君子也。文子爲大令尹。三年。民無敢入朝。公叔子見曰。嚴矣。文子曰。朝廷之嚴也。寧云妨國家之治哉。公叔子曰。嚴則下。暗。下。暗。則上。聾。聾。暗。不能相通。何國之治也。衛靈公三十年。魯

定公侵鄭。往不假道於衛。及還。出自東門。舍於豚澤。靈公怒。使彌子瑕追之。公叔文子老矣。輦而如公。曰：尤人而效之，非禮也。昭公之難，君將以文之。舒鼎成之，昭光定之。鞶鑑苟可以納之，將以之為質。此羣臣之所聞也。今將以小忿蒙舊德，無乃不可乎。乃止。又有公叔務人載家語。

駁馬少伯

漢人見容齋隨筆。駁音皎。

西鉏吾

左傳：夏六月，鄭伯侵宋，及曹門外，遂會楚子伐宋，取朝郟。楚子辛，鄭皇辰侵城郛，取幽丘，納宋魚石，向為人鱗朱，向帶魚府焉。宋人患之，西鉏吾曰：何也？若楚人與吾同。

奇如通 卷三  
惡以德於我。吾固事之。不敢貳矣。今將崇諸侯之姦。而披其地。以塞夷庚。逞姦而攜服。毒諸侯而懼吳晉。吾庸多矣。非吾憂也。且事晉何爲。又漢有西鉏虛爲御史。見英賢傳。

友通期

漢人見容齋隨筆。

侯罔頡

地紀。倉帝史皇氏。名頡。姓侯罔。龍顏侈哆。四目靈光。春秋元命苞。敘帝王之相。倉頡四目。是謂竝明。顓帝戴干。是謂崇仁。帝佶戴干。是謂清明。堯眉八采。是謂通明。舜目重瞳。是謂無景。禹耳三漏。是謂大通。湯臂三肘。是謂柳翌。文王四乳。是謂含良。武王

奇如通 卷十三  
三  
齧齒。是謂剛強。

大心子成

楚懷王時爲黃邑大夫。英賢傳。楚有大心。令尹得臣之子。因氏焉。

尹文子

齊人著書五篇。

完顏仲德

金史。完顏仲德。狀貌不踰常人。平生喜怒未嘗妄發。聞人過。每獲諱之。雖有軍旅。手不釋卷。門生故吏。時以名分教之。家素貧。敝衣蔬食。晏如也。其掌軍務。賞罰明信。號令嚴整。至危急。死生之際。無一士有異志者。又國朝弘治中。完顏仁。岢嵐州判。正德中有完顏章。英山知縣。俱有能聲。

冠軍夷

晉太傅東海王叅軍。姓譜。漢霍去病討冠軍侯。因氏焉。

梁丘賀

漢史。梁丘賀從京房受易。宣帝求房門人。得賀入說易。善之。以爲郎。賀小心周密。甚見信重。官至少府。圖形麒麟閣。子臨亦以

說易爲黃門郎。嘗奉使問諸儒於石渠。

申章昌

姓申章。名昌。受穀梁春秋於丁姓。子孫者。

烏氏羸

漢書。烏氏羸畜牧。及衆斥賣。求奇贈物。間獻戎王。戎王十倍其償。予畜。畜至用谷量。牛馬。秦始皇令羸比封君。以時與列臣朝。

請註師古曰。氏音支。烏氏姓也。羸名也。其人為畜牧之業。史記作烏氏僕。

子師將

漢北平太守。鄭大夫子師僕之後。

耶律希亮

金史。耶律希亮。楚材之孫。武宗時官翰林承旨。兼修國史。希亮以職在史官。乃類次

嘉言善行以進。為人性至孝。雖疾病不廢書史。或中夜起坐。取燭以書。所著有懋軒集三十卷。

將匠道李

南北朝有將匠道李。梁大將軍。

第五居仁

宋第五居仁。奉化人。師蕭軒。同恕。博通經

史。學徒滿門。及卒。門人私謚曰靜安先生。

成公簡

漢人。字宗舒。家世二千石。雅素不求榮利。張茂先每言簡靜比揚子雲。默識擬張安世。又晉有成公綏。字子安。少有雋才。雅好音律。臨風長嘯。冷然成曲。遂作嘯賦。

公齊定

仲尼弟子。見通志。

僕散翰文

元人。至元末為松江知府。奏析華亭東北為上海縣。在任愛民如子。秩滿歸。民各咨嗟流涕如失父母然。又金時有僕散忠義以廉吏稱。

瓜田儀

王莽時臨淮瓜田儀有隱操。

### 屈突蓋

唐初爲長安令。時人語曰。寧食三斗艾。莫逢屈突蓋。又高祖時有屈突通。授兵部尚書。後配享太宗廟庭。

### 臧馬矢

漢人見姓譜。

### 勾龍庭實

宋夾江人。政和初進士。知眉州。作通濟堰以溉民田。眉州人德之。刻石立碑以紀其事。又有勾龍傳。撰春秋三傳。分國記事。以標本末。

### 青史子

漢人善著書。見藝文志。英賢傳。晉太史董



狐之子。受封青史之田。因氏焉。

### 南榮趯

莊子。南榮趯既遇老聃。盥若慈父。鴈行避景。夔立蛇進而後敢問。見得一高言。若饑十日而得太牢焉。又古今人表有南榮疇。苞丘先生。

荀卿弟子。

### 息夫躬

字子微。河陽人。漢書息夫躬以博士弟子。因董賢告東平王反謀。封宜陵侯。今錄其絕命辭曰。玄靈決鬱。將安歸兮。鷹隼橫厲。鸞徘徊兮。增若浮焱。動則機兮。叢棘棧棧。曷可棲兮。發忠忘身。自繞罔兮。冤頸折翼。庸得往兮。涕泣流兮。萑蘭心結。惛兮。傷肝。

虹蜺曜兮自微孽杳冥兮未開痛入天兮  
鳴謗冤際絕兮誰語仰天光兮自列招上  
帝兮我察秋風爲我唵浮雲爲我陰嗟若  
是兮欲何留撫神龍兮搯其須游曠迴兮  
反亡期雄失據兮世我思

函冶子覺

漢黃門侍郎

合傳胡害

漢功臣表封貫齊侯破秦入漢定三秦以  
都尉擊項籍侯六百戶功比臺侯

茅夷鴻

左傳秋伐邾及范門大夫諫不聽茅夷鴻  
以束帛乘韋自請救于吳曰魯弱晉而遠  
吳馮恃其衆而背君之盟辟君之執事以

奇如通 卷十三  
陵我小國。邾非敢自愛也。懼君威之不立。君威之不立。小國之憂也。若夏盟於鄆。衍秋而背之。成求而不違。四方諸侯其何以事君。且魯八百乘。君之貳也。邾賦六百乘。君之私也。以私奉貳。惟君圖之。吳子從之。  
魯有慎潰氏。以奢侈逾法而敗。見家語。

### 慎潰氏

### 葵丘欣

路史外黃東有葵丘大夫。邑食者氏焉。英賢傳有葵丘欣。又有葵丘直。爲晉龍驤將軍。

### 公若藐

左傳。叔孫成子欲立武叔。公若藐固諫曰。不可。成子立之而卒。公南使賊射之。不能

言如通 卷十三  
三  
殺。公南爲馬正。使公若爲郈宰。武叔既定。使郈馬正侯犯殺公若。弗能。其圉人曰。吾以劍過朝。公若必曰。誰之劍也。吾稱子以告。必觀之。吾僞固而授之。未則可殺也。使如之。公若曰。爾欲吳王我乎。遂殺公若。

### 慕輿拔虎

南北朝慕輿千爲御史中丞。慕輿拔虎爲

司徒。

### 工師喜

漢書。工師喜封平悼侯。初以舍人從。擊破秦。以郎中入漢。以將軍定諸侯。守洛陽。侯比費侯。戶千三百戶。

### 子州支父

呂氏春秋。堯以天下讓於子州支父。子州

支父對曰。以我爲天子猶可也。雖然。我適有幽憂之病。方將治之。未暇在天下也。天下重物也。而不以害其生。又况於他物乎。惟不以天下害其生者。也可以託天下。

### 昭涉掉尾

漢書。封平州共侯。漢四年。以燕相從擊項籍。還擊臧荼。侯九百戶。

### 大羅洪

秦將軍。

### 樗里子

本傳。樗里子者。秦惠王之弟也。與惠王異母。樗里子滑稽多智。秦人號曰智囊。秦惠王二十五年。使樗里子爲將伐趙。虜趙將軍莊豹。拔藺。明年助魏章攻楚。敗楚將屈

巧。取漢中地為右相。樛里子卒于渭南章臺之東。曰後百歲當有天子之宮夾我墓。樛里子疾室在於渭南陰鄉樛里。故俗謂之樛里子。至漢興長樂宮在其東。未央宮在其西。武庫正直其墓。秦人諺曰。力則任鄙。智則樛里。又樛里牧恭為父報讐殺人而亾。藏于深山。有良馬引之。作天馬引篇。

褐冠子

風俗通。賈人以褐冠為姓。有褐冠子善著書。

司鐸射

魯大夫。見左傳。

胥梁帶

晉大夫。左傳。襄公二十七年春。胥梁帶使

諸喪邑者。具車徒以受地。必周。使烏餘具車徒以受封。烏餘以其衆出。使諸侯僞效。烏餘之封者。而遂執之。皆取其邑。而歸諸侯。諸侯是以睦於晉。

子儀克

宋桓司馬之臣。

子獻遼

楚文王大夫。媯姓。陳桓公子獻之後。

龐欄氏

韓非子。繆公問曰。吾聞龐欄氏之子不孝。其行奚如。子思曰。臣聞明君舉善以勸民。則四方之內。孰敢不化。若夫過行。是細人之所識。臣不知也。子思出。子服厲伯入見。問龐欄氏。子服厲伯曰。其過有三。皆君所

未嘗聞自是之後。君貴子思而賤子服。厲伯也。復見論衡。

運奄氏

史記。秦有運奄氏。

靡父樂陽

漢人見姓苑。

穿封戍

楚大夫。左傳。楚子侵鄭。至于城麋。鄭皇頡戍之。出與楚師戰。敗。穿封戍囚皇頡。公子圍與之爭之。正于伯州犁。曰。請問於囚。乃立囚。伯州犁曰。所爭君子也。其何不知。上其手曰。夫子爲王子圍。寡君之貴介弟也。下其手曰。此子爲穿封戍。方城外之縣尹也。誰獲子。囚曰。頡遇王子弱焉。戍怒。抽戈。



逐王子圍弗及。楚人以皇頡歸。戍音恤。

士思癸

晉人。又士思卜。鄭人。

復陸支

以匈奴歸義。封屬國王。注云。復陸姓支名。

老萊子

說苑。老萊子問穆公將相。子思曰。若子事

君。將何爲乎。子思曰。順吾性情。以道輔之。無歿亾焉。老萊子曰。不可。順子之性也。子性剛而傲不肖。又且無所歿亾。非人臣之節也。子不見夫齒乎。齒剛則盡。相磨。舌柔順。終以不斲。子思曰。吾不能爲舌。故不能事君。高士傳。老萊子。楚賢人。隱蒙山。著書十五篇。言道家之用。

箕侯儒

漢人見姓苑

沈尹戌

周大夫又沈尹赤亦周大夫

栢常騫

說苑齊景為露寢之臺成而不通栢常騫曰為臺甚急臺成君何為不通焉公曰昔

者臬鳴吾惡之甚是以不通栢常騫曰臣請禳而去之公曰何具對曰築新室為置白茅焉栢常騫用事臬當陞布翼伏地而歎公曰子之道若此其靈也亦能益寡人壽乎對曰能天子九諸侯七大夫五公曰益有徵兆之見乎對曰得壽地且動公喜晏子曰騫昔吾見維星絕樞星散地其動

奇姓通 卷十三  
其以是乎。栢常騫俯有間。仰而對曰。然。晏子曰。爲之無益。薄賦斂。無煩民。且令君知之。

### 梗陽巫臯

周時爲晉人。又漢有梗陽真。侍御史謁者。

### 鐸遏寇

左傳。鐸遏寇。晉大夫。又鐸遏章。襄公下大

夫。

### 富父終甥

史記。魯敗翟于鹹。獲長翟喬如。富父終甥。春。其喉。以戈殺之。埋其首于子駟之門。以命宣伯。又左傳。夏五月辛卯。司鐸火。火踰公宮。桓僖災。富父槐至。曰。無備而官。辦者猶拾藩也。於是乎去表之。橐道還公宮。

介山子然

大戴記。觀於四方。不怠其親。苟思其親。不盡其樂。蓋介山子然之行也。

南郭偃

見左傳。又莊子有南郭子綦。

北人無擇

呂覽。舜讓其友北人無擇。北人無擇曰。捲

捲乎。后之爲人也。居於畊畝之中。而游入於堯之門。又欲以其辱行漫我。我羞之。願自投於蒼領之淵。又漢桓帝時有北人交爲四門博士。

長盧氏

列子。楚賢者長盧氏著書。

成陽恢生

漢安陽護軍。見姓譜。

叔先泥和

捷爲人。漢順帝永建初。泥和爲縣功曹。奉檄謁巴郡太守。渡河而溺。不得其尸。女叔先雄於父溺處慟哭。遂自投水。歿。越六日。與父尸同出。相持浮於江上。郡縣表之。爲雄立碑。圖其像焉。

仇尼倪

周時爲滎州刺史。稱洛陽公。

錫疇子斯

韓詩外傳。子夏曰。文王學乎錫疇子斯。

羊舌赤

家語曰。其爲人之淵源也。多聞而難誕。內植。足以沒其世。國家有道。其言足以治。無

道其默足以容。蓋銅鞮伯華之行也。銅鞮，  
邑名。伯華，羊舌赤也。羊舌，傳云昔有攘羊  
遺叔向母，母埋之。後事發，檢羊肉，惟舌存  
焉。因以羊舌爲氏。

### 延嗣子高

真仙通鑑。延嗣子高，以服麋得仙。

### 紅陽長仲

漢書酷吏傳。永始元延間，上怠於政，貴戚  
驕恣。紅陽長仲兄弟交通輕俠，藏匿亡命。

### 苦成叔

苦成叔，晉卿。卻犖號苦成叔。苦爲別封之  
邑，以邑爲氏。國語：子叔聲伯如晉，卻犖欲  
與之邑，弗受也。歸，鮑國謂之曰：子何辭苦  
成叔之邑？欲信讓耶？抑知其不可乎？對曰：

吾聞之。不厚其梗。不能任重。重莫如國。棟  
莫如德。夫苦成叔家。欲任兩國。而無大德。  
亾無日矣。譬之如疾。余恐易焉。苦成氏有  
三亾。少德而多寵。位下而欲上。政無大功。  
而欲大祿。皆怨府也。其身之不能定。焉能  
與人邑。

### 小王桃甲

左傳。析成鮒。小王桃甲率狄師以襲晉。戰  
于絳中。不克而還。成鮒奔周。小王奔晉。註。  
二子。魯大夫范中行氏之黨。

### 季尹然

楚人。

### 少師彊

英賢傳有少師彊。少師慶俱魯人。

都尉朝

儒林傳。孔安國以今文讀古文尚書。得逸書一十餘篇。遭巫蠱。未立于學宮。安國以諫大夫授都尉朝。都尉朝授膠河庸生。庸生授清河胡常。常少子。

徒人費

左傳。齊侯游於貝丘。見大豕。從者曰。公子彭生也。公怒曰。彭生敢見。射之。豕人立而啼。公懼。隊於車。傷足。喪屨。反。誅屨於徒人費。弗得。鞭之。見血。走出。遇賊於門。劫而束之。費曰。我奚御哉。袒而示之背。信之。費請先入。伏公。而出。鬪。歿於門中。石之紛如。歿於階下。遂入。殺孟陽於牀。曰。非君也。不類。見公之足於戶下。遂弑之。而立無知。徒人



費不以受鞭含怨。出鬪以死。孟陽居牀。代公見殺。皆一時奇士。

祝其承先

漢清河郡尉。風俗通。宋戴公之子。祝其爲大司寇。因氏焉。

樂王茂

漢郎中令。

南門墻

路史。湯有臙行。天下之效之者且百國矣。又得慶誦。湟里沮。東門虛。南門墻。西門庇。北門側。七大夫。佐司御門尹。登恒爲佑。乃率六州攸徂之民。以伐桀。

先賢揮

功臣表。先賢揮以匈奴單于從兄。日逐王。

率衆降。封歸德靖侯。食邑二千二百五十戶。揮音纏。

長魚矯

左傳。胥童夷羊五帥甲八百。將攻卻氏。長魚矯請無用衆。公使清沸黓助之。矯以戈殺駒伯。苦成叔於其位。溫季曰。逃威也。遂趨矯及諸其車。以戈殺之。皆尸。諸朝注三

卻駒伯。卻錡也。苦成叔。卻犇也。溫季。卻至也。胥童以甲劫樂書中行。偃於朝。矯曰。不殺二子。憂必及君。公曰。一朝而尸三卿。余不忍益也。對曰。人將忍君。臣聞亂在朝。爲姦在內。爲軌御姦以德。御軌以刑。不施而殺。不可爲德。臣偏而不討。不可爲刑。德刑不立。姦軌竝至。臣請行。遂出奔狄。

素和跋

三國志。魏孝文時爲尚書。

西河子輿

馬援善別名馬。嘗受相馬骨法於揚子阿。子阿得之於下君都。君都得之於儀長孺。長孺得之於西河子輿。

大野拔

晉青州刺史。又大野况爲都督。

司士賁

檀弓。司士賁告于子游曰。請襲於牀。子游曰。諾。縣子瑣聞之曰。汰哉叔氏。專以禮許人。

阿跌光進

唐時爲振武節度使兼御史大夫。

重艷氏

穆天子傳。庚辰。至于滔水。濁繇氏之所食。天子東征。癸未。至于蘇谷。骨飭氏之所衣。被。乃遂南征。東還。丙戌。至于長浹。重艷氏之西疆。重艷氏之所守。曰。枝斯璿瑰。玳瑁。琅玕。玲瓏。先瓊。玕琪。徽尾。凡好石之器。于是乎出。

門尹班

宋大夫。楚伐宋。宋使門尹班告急於晉。又宋人有門尹沮渠。

鉗耳知命

唐元和中。爲長興令。清介絕俗。民皆仰之。又五代天監初。自河南歸化。有鉗耳。期陵。浩星賜。

漢書。浩星賜與趙充國友善。上書說充國曰。衆人皆以破羌強弩出擊。多斬首獲降。虜以破壞。然有識者以爲虜勢窮困。兵雖不出。必自復矣。將軍卽見宜歸功於二將軍。出擊非愚所及。如此將軍計未失也。充國曰。吾年老矣。爵位已極。豈嫌伐一時事。以欺明主哉。兵勢國之大事。當爲後法。老臣不以餘命。壹爲陛下明言。兵之利害。卒歿。誰當復言之者。卒以其意對。上然其計。罷遣辛武賢歸酒泉太守。充國復爲後將軍衛尉。又漢有浩星公。治穀梁春秋。

大戊午

史記。趙相肅侯游大陵。出于鹿門。大戊午。扣馬曰。耕事方急。一日不作。百日不食。肅

侯下車謝。

閻葵班

見漢碑陰唐君。

伊祈玄解

杜陽雜編。元和中處士伊祈玄解。鬚髮童顏。上知其異人。密召入宮。處九華之室。設紫茭之席。飲龍膏之酒。嘗乘黃馬游青兗。

間與人話千年事。歷歷如画。

母鹽益

漢人見容齋隨筆。

華陽通

漢諫議大夫秦宣太后。帝封華陽。因氏焉。又華陽犍。漢駙馬都尉。

盆成括

劉向說苑。括有小才。未聞大道。虞君嘗謂之曰。今工者久而巧。色者老而衰。今人不及壯之時。益積心精之巧。以備將衰之色。色者必盡乎。老之前。智謀無以異乎。幼之時。可好之色。彬彬乎。且盡洋洋乎。安托無能之軀哉。故有技者不累身。而未嘗藏而色。不得以常存。蓋規之也。括不悟。事齊而見殺。

鮮陽戩

漢揚州刺史。見漢書。

赫連達

南北朝赫連達取私帛酬胡人饋羊。曰。不可羊入我廚。而物出官庫。

賀若弼

賀若弼。仕隋爲大將軍。慷慨驍勇。博涉書  
記。獻取陳十策。文帝善之。賜以寶刀。卒能  
平定三吳。先是父敦爲宇文護所害。臨刑  
謂弼曰。吾以舌死。汝不可不慎。引錐刺弼  
舌。出血。令緘其口。

### 壽西長

漢人。見昭帝紀。

### 申屠嘉

列傳。申屠嘉。梁人也。孝文時爲丞相。門不  
受私謁。是時大中大夫鄧通方愛幸。嘉入  
朝。見通居上旁。有怠慢禮。嘉奏事畢。因言  
曰。陛下愛幸羣臣。則富貴之。至於朝廷之  
禮。不可以不肅。罷朝。嘉坐府中。爲檄召通。  
通恐。入言上。上曰。汝第往。吾今使人召若。



通詣丞相府。免冠徒跣頓首謝。嘉責曰。夫朝廷者。高皇帝之朝廷也。通小臣戲殿上。大不敬。當斬。吏今行斬之。通頓首。首盡出血。不解。上度丞相已困。通使使持節召通。而謝丞相曰。此吾弄臣。君釋之。鄧通既至。爲上泣曰。丞相幾殺臣。又宋有申屠致遠。爲淮南江北道廉訪使。清修苦節。恥事權貴。聚書萬卷。名曰墨莊。

### 擾龍宗

董卓廢帝爲弘農王。立陳留王爲帝。據有武庫甲兵。卓欲震威。侍御史擾龍宗詣卓。白事。不解劍。立搦殺之。見英雄記。

### 尹午子叔

楚大夫敖尹午之後。

齊女通 卷十三  
四十三  
雍門狄

越甲至齊。雍門狄請死之。齊王曰：鼓之聲未聞，矢石未交，長兵未接，子何務死？知爲人臣之禮耶？雍門狄對曰：臣聞之。昔者王田於囿，左轂鳴，車右請死之。王曰：子何爲死？車右曰：爲其鳴吾君也。王曰：左轂鳴者，此工師之臯也。子何事之有焉？車右對曰：

吾不見工師之乘而見其鳴吾君也。遂刎頸而死。有是乎？王曰：有之。雍門狄曰：今越甲至，其鳴吾君，豈左轂之下哉？車右可以死，左轂而臣獨不可以死，越甲耶？遂刎頸而死。是日，越人引軍而退七十里。曰：齊王有臣鈞如雍門狄，疑使越社稷不血食。遂歸。齊王葬雍門狄以上卿之禮。見劉向說

苑。又雍門周以鼓琴見孟嘗君。見淮南子。

左師圃

宋嘉祐元年爲奉議郎。知大庾縣事。周有左師觸龍。因以爲氏。

覩斯贊

魏人樂羊爲魏將而攻中山。其子在中山。中山之君烹其子而遺之羹。樂羊坐於幕

而啜之。文侯謂覩斯贊曰。樂羊以我之故食其子之肉。贊對曰。其子之肉尚食之。其誰不食。班彪曰。羊忍爲此。以怒衆而成功。乃其情則非恻然無以天性爲者也。覩斯贊之言。其謗書之渠乎。

子叔聲伯

姬姓。魯文公之子。公子叔盼之子。爲子叔

奇姓通  
卷十三  
氏。

奇姓通卷十三終

奇姓通卷十四

複姓

姑布子卿

似和舒

公孫渾邪

司城子罕

涇陽犢

墨如子高

黑台棺

梁餘子養

榮叔遙

乘馬絺

公之魚

丁若堅

公甲叔子

韓褐子

第二從直

第八矯

惠牆伊戾

釐子班

叔仲會

籍丘子鉏

荔非其生

大陸子方

枝如子躬

公明儀

瑕丘江公

阪上囂

段干越人

三烏羣

諱毒尼

陽城胥渠

西鄉曹

万俟湜

東野畢

熊相祁

可頰瑜

工尹商陽

茹達回謙

烏陵用章

子尚伯父

舒堅文叔

庫成述

公父文伯

子家羈

右宰穀

王叔簡公

車成將

曹牟君卿

茲母還

咸丘蒙

褚師子服

仲長統

顓頊和

臨侯望博

公上不害

落姑仲異

馬師皇

胥門巢

閉珊居集

湟里沮

太史敷

滕叔辛

徐吾犯

醜門于弟

拓拔守寂

公正範

公儀潛

魚孫瑋

西陵羔

哥舒翰

大山稽

何丘子

胥彌赦

赤誦子

赤將子輿

虞丘進

上成公

开官氏

右行

孺羊肩

成紀慕仁

子我封人

主父偃

不更首

答祿與權

夏父弗忌

東樓羽

鐵伐氏

端木賜

游稊子

徒師沼

司鴻荀

散宜生

司功景子

南伯子綦

盧蒲癸

東里昆

正輿子

桐里斥生

公戶滿意

士孫瑞

屈侯鮒

馬適求

安國少季

子孟卿

養由基

屠門少

吾丘壽王

少施氏

溫伯雪子

右師細君

大夫但

瑕呂飴甥

空相機

陵陽子明

邯鄲義

太公任

侯史光

公師藩

軒丘豹

敬顯儁